



არ გაემგზავროს ქალი ორდღიან გზაზე, თუ მასთან ერთად არ არის ქმარი ან მაჰრამი

აბუ საიდ ალ-ხუდრი (აღლაჰი იყოს მისით კმაყოფილი), რომელიც მოციქულთან (აღლაჰის ლოცვა და მშვიდობა მას) ერთად თორმეტ ბრძოლაში მონაწილეობდა, ამბობს: "მოციქულისგან ოთხი რამ მოვისმინე, რაც ძალიან მომეწონა". შემდეგ თქვა: «არ გაემგზავროს ქალი ორდღიან გზაზე, თუ მასთან ერთად არ არის ქმარი ან მაჰრამი; არ არის ნებადართული მარხვა ორ დღეს: ფიტრის და ყურბანის; არ არის ლოცვა დილის (ფაჯრ) ლოცვის შემდეგ, ვიდრე მზე არ ამოვა, და არც ნაშუადღევის (ასრი) ლოცვის შემდეგ, ვიდრე მზე არ ჩავა; და არ არის მოგზაურობა, გარდა სამი მეჩეთისკენ: ალ-ჰარამის მეჩეთი, ალ-აქსას მეჩეთი და ეს ჩემი მეჩეთი».

[სანდო (საჰიჰ)] [შეთანხმებული]

მოციქულმა (აღლაჰის ლოცვა და მშვიდობა მას) აკრძალა ოთხი რამ: პირველი: ქალისათვის აკრძალულია ორდღიანი გზით მოგზაურობა ქმრის ან მაჰრამი პირის გარეშე. მაჰრამი არის ახლო ნათესავი, რომელთანაც ქორწინება სამუდამოდ აკრძალულია, როგორცაა შვილი, მამა, ძმისშვილი, დისშვილი, ბიძა, დედის ძმა და მსგავსი პირები. მეორე: აკრძალულია მარხვა ფიტრის (ურაბა ბაირამის) დღეს და ყურბან ბაირამის დღეს. ეს აკრძალვა ვრცელდება იმ შემთხვევებზეც, როდესაც მუსლიმი აპირებს აღთქმის მარხვას, სუნას ან სისხლის სანაცვლო მარხვის (ქაფარა) მიზნით. მესამე: აკრძალულია სუნნათ ლოცვის შესრულება ასრის შემდეგ, სანამ მზე ჩავა, და ფაჯრის შემდეგ, სანამ მზე ამოვა. მეოთხე: აკრძალულია მოგზაურობა რაიმე კონკრეტულ ადგილას იმ რწმენით, რომ მას განსაკუთრებული უპირატესობა აქვს და რომ იქ კეთილი საქმეების საზღაური გაორმაგდება, გარდა სამი მეჩეთისა. მათ გარდა სხვა მეჩეთებში ლოცვის მიზნით მგზავრობა არ დაიშვება, რადგან საზღაური მხოლოდ ამ სამ მეჩეთში მრავლდება: ალ-ჰარამი (მექქაში), შუამავლის მეჩეთი (მედინაში), ალ-აქსას მეჩეთი (იერუსალიმში).

<https://sunnah.global/hadeeth/ka/show/10603>

